

LA
FRANCE
RETABLIE A LA
NAISSANCE DV
PRINCE D'AVPHIN.

Dedié à la Roync.



A ROVEN,

DE L'IMPRIMERIE
De Raphaël du Petit Val, Libraire & Imprimeur
ordinaire du Roy.

1601.

AVEC PERMISSION.

ST. C. M. A. 1880
MA. E. H. C. T. P. E. A.
TO THE

Case

F. H. C. T. P. E. A.

39

326

1601fn

THE NEWBERRY
LIBRARY

MEMORIAL LIBRARY
OF THE
CITY OF CHICAGO
AND
THE
LIBRARY OF THE
CITY OF CHICAGO
AND
THE
LIBRARY OF THE
CITY OF CHICAGO



A la Royne.

MADAME,

Les nouveaux euenemens apportent avec eux des nouveaux desseins. Voila pourquoy à cette heureuse naissance du Prince Dauphin vostre fils, i'ay voulu tesmoigner mon deuoir, tant à vostre Maiesté qu'à tous les François, & faire parler ma plume pour un suiet, qui fait chanter tout le monde. Il sera

A ii

EPISTRE.

*Suyui de quelque autre plus grande preuve de
l'obeissance du tres-humble seruiteur de vo-
stre Maiesté.*





La France restablie.



'EST à ce coup, François, que vostre bonheur est esclos, & que vostre franchise est asseuree, & que ce qui vous pouuoit menacer est destruit. Vous voyez vostre France qui sembloit encor soupirer ses dernieres plaintes, maintenant aspirer à de longues prosperitez. Vostre Roy victorieusement eleué a sçeu aussi tost abatre que combattre ses aduersaires. Amyens comme le noeud de ses Estats experimenta ses triumphes, aussi grans

& heureusement esbauchez par les armes, que benignement acheuez par sa clemence. Tant d'autres lieux plegeront ces deux belles qualitez, qui comme soldats gagez du ciel & de la nature ont pris le soin de ses actions. De mesme que la cire d'Espagne s'amollit au feu & se rendurcit à l'eau : ainsi son esprit aux plus violentes occasions se rend traitable, & son corps infatigable aux plus furieuses rencôtres. Comme le Selfific grossit sa racine lors que lon foule aux pieds ses fueilles : ainsi roidit-il son ame genereuse au peril, lors qu'il se voit plus trauerse. Et non content des gloires qui luy furent iustement concedes du ciel, comme au plus auguste Prince de la terre, Il voulut non seulement auoir l'œil à ce qui regardoit son contentement, mais ce qui pouuoit apporter du repos à ses

subiets, & leur estre aussi tost pere tutelaire que Roy legitime. Amour qui semble estre le Tyran des autres peuples vous fut protecteur, & luy mesme soupirant vostre mal en voulut moyenner le remede. La Renommee heureuse publia vostre establissement, & sous le nom fatal de Medicis elle assoupit vos dernieres craintes. Et comme si cet heureux nom estoit ordonné Medecin de vos playes, de la seconde alliance vous en voyez naistre vostre bon heur. Où sont vos esprits de si long temps exercez à des inuentions plus re-creatiues que fortunees? Que ne continuent-ils leurs exercices? & que ne preuuent-ils maintenant vostre deuoir, aussi bien qu'autresfois ils ont voulu tesmoigner vos passions? A qui estes vous plus redeuables, ou à vostre Prince, ou à vos appetits : & à qui deuez-

vous plustost vostre bien dire, qu'à
 cette heureuse naissance, qui vous af-
 franchit des doutes qui vous pouuoÿent
 inquieter & destourner vostre plume
 de son office? Est-ce point que charmez
 de tant heureuses nouuelles, vous en
 pouuiez mieux admirer les merueilles,
 que d'en escrire la resiouyssance? Bien
 que ma nature ne m'y oblige, ma nour-
 riture & vostre tranquillité me le com-
 mande. D'ailleurs ie penseroÿ pecher
 contre les merites du Roy & de la
 Royne, si ie n'octroyois ce deuoir au
 Dauphin. Dauphin à la verité bien
 contraire à celuy de la mer qui conduit
 ses subiects au peril, & les engage pour
 sa deliurance. Où cetuy-cy n'est venu
 que pour affranchir les siens, & sou-
 uent affronter les hazars pour les deli-
 urer de la tyrannie. S'ils ont de la sym-
 patie, elle est seulement recogneue à
 leur


leur beauté, & non à leur intention. Car retenant de la valeur & de la Iustice de sa Maiefté, il ne craindra, mais se fera craindre de tous ceux qui attenteront à ses Estats. Et participant à cette debonnaireté de la Royne, il ne desire rien plus que le salut de ses subiets. Le courage (ordinaire bouclier des Princes de Bourbon) le sçaura bien garentir des embusches de ses aduersaires. Et cette courtoisie (coustumiers attraits des Medicis) luy fera procurer la tranquillité & le repos des siens. Le ly desia à son visage les traits remarquables de ses trofees aduenir : & à la douceur de ses yeux, les apparences futures du bonheur de la France. Ses bras menacent desia le paganisme, triomphe reserué à sa destinee : & asseurent les Chrestiens du recouurement de leur Empire. C'est à ce coup que les Propheties des Turcs

feront accomplies , & que leur estat
 prendra fin, à la naissance du fils d'Au-
 guste. Quels autres Princes ont-ils ia-
 mais redoutez que les Roys de France?
 Bien que souuent ils ayent esprouué la
 valeur des Princes de Lorraine, & qu'ils
 en resentent encor & la prudence & les
 coups. Mais s'ils ont craint les autres
 Roys, que doyuent ils faire mainte-
 nant, voyant le fils du plus triomphant
 de tous les Cæsars, & de tous les Ale-
 xandres : Et mesme suyui d'un Prince
 Lorrain que Dieu donnera à la Tante,
 qui participera du Conseil & de la va-
 leur de ses ayeux? Ces deux nations
 estant tousiours vne d'alliance, ne fe-
 ront de tout le monde qu'un Empire.
 Et si la pitié leur fait pardonner à quel-
 ques Roys ou Princes, s'ils ne sont tri-
 butaires à leurs forces, ils le feront à
 leur miséricorde. Je crains mesme que

son bon genie ne die desja comme Alexandre, que le Roy ne luy laissera que trop peu a conquerir, & que le monde sera trop petit pour la grandeur de son courage. Toutesfois l'ambition ne luy fera esbaucher tels desseins: mais la iuste cause des Chrestiens qui ne respirent que sa grandeur luy feront executer à la gloire de Dieu & à l'augmentation de sa renommee. Il y auoit chez le Roy Philippe de Macedoine, le cheual Bucephal qui ne pouuoit estre domté que du domteur de l'Asie, & cela estoit reserué à la destinee d'Alexandre. Aussi le Turc, selon son Alcoran, ne peut estre surmonté que d'un Prince qui soit capable de surmonter les terres Idumees. Il semble que telles propheties attendoyent cette heureuse Natiuité: & mesmes pour luy en preparer la facilité le Roy luy a présenté l'espee à sa

naissance, qu'il a serree entre ses doigts
 enfantins, comme desia assure de tel-
 le conqueste. Ce ferez-vous, grand
 Roy, qui aurez part à ses triumphes, luy
 octroyant auant qu'il puisse vous les
 demander, & participerez à ses gloires,
 luy enseignant auant mesme que son
 enfance les puisse comprendre. Et vous
 grande & vertueuse Royne la Chre-
 stienté vous aura cet obligation de luy
 auoir enfanté son protecteur & vostre
 conseruation, Et de luy donner vn li-
 berateur si vaillant, & vn Pere tant de-
 bonnaire. Et principalement la France
 vous fera redeuable à iamais d'auoir
 porté le fruit de sa franchise, & de l'a-
 uoir tiree de tant de conflits qui sem-
 bloient s'opposer à sa tranquillité. Les
 estrangers encores doyuent congratu-
 ler cette naissance fortunee, puis qu'el-
 le leur seruira de bride pour les conte-

nir en leur modestie, & par ainsi par leurs folles entreprises ne perdront-ils ce que la seule crainte leur conserue. Qu'est-ce donc autre chose que vous estre obligez, puis que vous retardez leur ruine, retardant ou plustost leur faisant dissimuler leur intention? Il est autant vtil de conseruer son estat par crainte, comme par prudence, puis que tout gist à la conseruation, & que l'une fait naistre l'autre. Cependant qu'ils seront sur leur resolution nous continuerons nos prieres accoustumées, non plus pour vostre deliurance, voire bien pour le salut tant de sa Majesté, de la vostre, que de celle du Prince Dauphin, à fin de vous voir autant heureuse mere que vous estes, chaste & vertueuse femme.



STANCES SVR LA
 NAISSANCE DV
 PRINCE D'AVPHIN.

Noudain que du Chaos on tira le Soleil,
 Qu'il traina par les cieux son brillant
 appareil,
 Il deuient amoureux de la Nymphe

Soucy

Mais comme elle se veit d'un grand Dieu caresser,
 Flatant sa vanité de rien ne se soucie
 Comme si lon n'eust peu sa grandeur abaisser.

Après que son esprit repen de vanité
 Preuit le mal fatal de son humanité,
 Elle pleure sa fin & regrette sa gloire:
 Mais ses pleurs esmouuant le Soleil à pitié,
 Changea ce qu'elle auoit de l'estre transitoire,
 Luy laissant d'immortel le nom & l'amitié.

Aussi quand le Soleil recommence son cours,
 Soucy en le suyuant commence ses amours,

Et tout ainsi que luy elle change de face:
 Afin de n'estre ingrate en ses affections
 Elle change de lieu comme il change de place,
 Et par sa patience & par ses passions.

Quand des troubles derniers on tira le repos,
 Que les armes cedoyent aux affables propos,
 Le Roy fut amoureux de la France oppressee:
 Desia l'ambition venant l'entretenir
 Elle mit en oubly sa souffrance passée,
 Et ne veut esperer qu'à son bien aduenir.

Mais son mal estoit grand, & trop inueteré
 Et mesme dans ses os des long temps retiré
 Si l'Amour ne luy eust enseigné le remede:
 Comme elle vassilloit à sa declinaison,
 Elle cognut que l'art à la science cede,
 Trouuant aux Medecis recepte & guarison.

Vn grand Geant venoit de son dard la percer,
 Encore sembloit-il la vouloir trauerser
 Pour chasser de son corps & sa vie & son ame:
 Mais cette Medecis la voulant secourir,
 En regardant la playe applica le dictame,
 Et la viuifiant empescha de mourir.

Encore chanceloit-elle, & trembloit de terreurs
 Redoutant de ses fils les civiles fureurs,
 Regardant son Soleil ombragé de nuage:
 Mais comme elle l'a veu renouveler son cours
 Redoublant tout à coup sa force & son courage
 Elle a recommencé ses pristines amours.

Ores qu'elle le voit en son ieune printemps
 Eclairer sans ombrage & sa terre & ses champs,
 Elle est plus que iamaïs de son bien asseuree:
 Comme ne luy pouuant plus grand bien aduenir,
 Elle esteint ses douleurs & sa gloire esperee,
 Luy fait des maux passez perdre le souuenir.

F I N.



